

耳園百家詩初編

五

| |
|-----|
| 127 |
| 14 |
| 114 |

宜園百家詩初編卷之五

河波 矢上行子生纂評

玉井穆

字元純之純號月隈豐後日田人住筑後○

人詩病數弱其疾

秋柳

衰容蕭颯倚秋天。枝葉知時凋每先。古驛疎陰烟
淡淡。斷橋寒影水潺潺。雖因霜痺腰何折。不與風
爭性亦全。楓錦枿。能幾日。徒當末路做春妍。

題淡窓



講惟人散後。暝坐養雙燄。暮月林端白。夏山牆外青。東西張子牖。六一醉翁亭。何處清香動。間花吐小瓶。

稻數邨卽事

茅簷日出雨聲疎。一片新湖十里餘。好辨孟軻應愧殺。家家倚木欲求魚。

小江邨寓居

斑衣血淚未全晞。兄弟天涯各背飛。雖識暮元非燕處。奈何巢已有鳩依。豐山風雪家空在。筑水煙

波人不歸。手澤稚松今幾尺。歲寒無恙守庭闈。讀

送小山田伯視

昨夜書窓夢海潮。鄉思忽作白鷗謠。宿春聲小烟三戶。征馬影寒霜一橋。難共爭鋒知將種。又聞燒筆有君苗。歸來俱究青囊秘。莫使寸陰容易消。

丙申歲暮感懷

長鏡年此暮。自笑少陵貧。葛外人無命。自注是歲大饑人皆鑿葛根山中土。有仁自注筑之東鄰有土可食。歲饑金始賤。令

密粟難陳。盱食勞賢主。敢言多苦辛。

窮陰人戚戚。千慮滿飢腸。鄰已無秦糶。邦空有漢倉。柳梅春意懶。風雪臘聲忙。幸侈人情弛。天心或一張。

讀劍南集

虎鬪腹寒。夢易驚。南南北北。議方成。啼猿夜雨。三巴路。歸鴈秋風。五國城。邂逅若世忠。因酒老憂同。子美以詩鳴。最傷家祭無忘句。連喚過河是此聲。

登彥山

孤峯積雪九州寒。鐵鎖攀登路幾盤。富士未知天下小。飛姑却覺眼中寬。螺聲曉震三千窟。海色晴開卅六灘。石壁梵文多古色。青苔蝕處幾行殘。

讀杜詩

遺音盈耳自洋洋。每飯思君髮欲霜。漢苑春筵鳳翔遠。蜀山天淚馬嵬荒。名歛詩聖兼詩史。志是楚騷非楚狂。風雅中興夫子在。偉勳何減郭汾陽。

長谷道中

林昏石人立。似慰獨行躬。川霽烟中斷。松寒雪未

融仙蹤餘駕鶴自注地名峽勢識奔熊自注俗傳龍熊相鬪

無孽山而奔遂成峽云粉壁遙明滅朝暾一帶紅

野澤龍

字子潛號南梁豐後日田人○子潛詩才美秀淡翁愛之以其號與之云

暮行

長日苦炎蒸吟行趁暮景穿窬穿幽蹊參差望遠
嶺江收飛檣聲樹帶歸禽影塵慮忽已休悠然妙
思騁樵牧次第稀蕭條野色靜歸來月已升愛踏
艸露冷遺韋柳音

梨樹為大風所折歌

維歲乙未閏七月二十一日亭午時天色如墨風
如弩射窓葉戶屋又危一聲忽疑蒼崖裂此時驚
倒皆欲絕天晴開戶如龍顛庭上梨樹被風折傍
人皆道須枝除庭樹遭禍豈安居我默不應指相
示蟲已入幹可何如吾輩當戒酒與色不啻喪身
兼喪德恰如此樹有此蟲疾風一至救不得

讀秦紀

合從未就又連衡宇宙多年不得平六大國亡天
下合三神山幻帝衷傾對得確信來姦說聖經廢銷

盡利兵翁仲成。早識土功空。為漢勞師何用築長城。

靈石山宿神祠時同宿十餘人故及

地稱靈石世塵賒。巖洞幽邊好煉砂。山到四更初吐月。客過十箇即成家。未道經廊簷雲壓人聲重林。杪風迴燈焰斜。起漱清泉開曉殿。滿瓶秋草放新花。

返照

疎鐘搖遠寺。返景射蒼牙。陰處皆如水。照時將作

霞。忽明郭東樹。不辨澗西家。蕭瑟帶寒笛。婆娑翻晚鴉。葵心傾欲盡。人影瘦還斜。萬感黯然集。五字一篇精遙看天一涯。

初冬

霜氣暮稜稜。地皮初欲凝。疎林風不滿。虛牖月先外。肌冷故衣破。飯香新穀登。今年恐徒晏。書上眼如鷹。一新結

搗衣

臂弱雖難耐。心忙未肯休。何邊和斷夢。幾處搗深

愁萬戶。長安月。孤城白。帝秋美人相對坐。不語淚空流。五六妙合自然

燈蛾

適尋書義塞。將通被汝攪來還。作空畢竟合飛涼。月下如何翻入執油中。窓扉掩盡猶知火。鏡際穿來倏似風。寄語世間名利客。莫令身事與他同。

南條董字寬卿豐後日田人

赤關寓居作

天行健不息。忽兮三十春。飄飄期無所。聊託瀛海濱。

閑鳥宿枝久。淡雲出岫晨。物情無苦樂。優游到處伸。一躡吾未起。大息訴蒼旻。經藝若可驗。安知旒味辛。

赤關僑居

赤馬關頭秋夜長。愁來不寐起彷徨。羈身唯怕壑水至。未補弊衣已履霜。

杉田平字君章號太一日向木城人

秋雨

蟬聲斷續已黃昏。處處桑陰農話喧。忽到陰雲侵

夕照何來白雨失山村。殘炎漸被初涼壓。新張都
漆舊澗渾。墜葉堆庭人不識。林鴉啣得過柴門。

梅花塢

闌園徑成三繞門。柳種五中有數株。梅名之曰梅
塢。朝暎穿疎簾。茶烟自縷縷。盡日無一事。此境真
樂土。朗月惠然來。清影粲方吐。美人獨徘徊。相對
為賓主。善寫樂境。使人意消。

本田巽字子與。號鹿山。逸士。肥前大村人。

曠書

三旬天不雨。炎氣恰如燭。小砌連賢聖。微風翻古
今。坐從經處讀。行到集邊吟。吾腹更無物。求涼倚
樹陰。三四所謂。驚人語。

病馬

一間荒廐鎖昏晨。槽檻空堆數寸塵。縱有壯心在
千里。豈堪衰病及三旬。四蹄風勢吹過後。滿背花
紋欲暮春。伯樂難逢身易老。黃金市骨定無人。

釋深諦筑前上人

春日間居

一道流泉響砌間。幽亭獨坐弄青山。斜陽紅薄春
窓靜。籠鳥出籠飛自還。

海邊晚景

滄海波平望渺茫。遙天低處是何鄉。斜陽欲沒孤
山頂。帆影搖搖百丈長。景實

釋事本

泉州人

送學應上人登南山

界浦灣頭暫卜隣。交情豈復讓雷陳。眼中同閱書
千卷。心上要磨月一輪。裊娜曉風吹別淚。冥濛晚

霧沒行人。自茲夜夜相思夢。應問蓮華峰裡春。

釋包含

號若水。笑
濃池田人。

登彥山

入雲心忽醒。始知是靈境。百泉咽奔流。老杉堆
影。道人栖何邊。清誦自脩整。鳥去羽聲寒。風死
色靜。回頭望九州。悠然思馳騁。踞巖求詩句。此景
我獨領。起得
不欠

題畫

夕陽山遠近。靄靄帶晴霞。何處有春樹。一溪多落

花。傍。流。家。斷。續。穿。嶺。路。橫。斜。林。外。孤。烟。起。幽。人。應
煮。茶。

春日卧病

日長無客訪山家。柴戶常關苔徑斜。欲雨頻忙紫
樹鳥。不風猶落隔簾花。枕邊空掛孤瓢酒。爐畔聊
傾半椀茶。臥病三春成一夢。回頭畢竟是杯蛇。

野口林

字大壬號靜園常之榮

讀山谷集

京華作客久留連。且為官間半學禪。家乏唯存容

膝室。祿輕難貯買山錢。詩追杜老能傳鉢。名比坡
公共着鞭。憐汝瞿塘還滯。無由茶餅送餘年。

寄友人

同交為昨夢。一別已三秋。愁似長流水。思如不繫
舟。雲聲隨雁字。草響入蟲喉。記否曾遊樂。相携醉

庾樓

五六奇開

寄題某翁閑居

小宅翠微際。從容靜似禪。晴窓花影暖。午院鳥聲
圓。頗有春眠足。長無世慮牽。閒煎巖下水。自喚是

茶仙

山家

巖巒籠草舍。積翠午陰濃。披草春樵出。隔雲晴確

春。狐狸多媚態。男女少嬌容。此裡成何事。優遊秋

又冬。癖村風趣如見

彥山客舍

繞舍溪流徹底清。此中恰好解餘醒。夜來滴滴聞

巖溜。枕上唯疑過雨聲。

除夜

崢嶸歲云暮。守夜閉茅庵。庭馥梅魂動。天寒雪意

含。人聲喧道路。燈影鬧東南。蛇尾藏無幾。雞喉報

欲。三多情何以遣。獨坐轉難堪。聊把杯中物。陶然

至醉酣。

竹樓春望高良山十景之一

環樓皆山也。風烟似淞州。鳴禽不知處。四圍綠陰

稠。晴邊明紫水。布帆下柳洲。

不濡山霽雨同上

日光無定色。屢為斷雲藏。前山忽過雨。後峰還夕

陽山僧折花返。殘滴滿衣裳。

釋觀潮

號天門浪花人

日田曉望

晨氣透垂箔。爽然清我胸。潛魚尚藏藻。棲鶴未離松。月落三隈水。雲迷兩筴峰。江南思不盡。一路欲移筇。

歲暮寄懷近藤文紀在浪華

談史論經夢一場。離居千里海雲長。如何歲暮同為客。我在君鄉君我鄉。

冬日讀書

三餘宜讀誦。閉戶坐山亭。身自惜駒隙。人誰同鶴齒。雪橋消午白。風竹動冬青。寒氣針吾骨。樽醪亦易醒。

釋悟堂

泉州界人

春日山家

移榻花間坐。風吹烏帽斜。樵歸雲外路。僧到夕陽家。前澗茶堪煮。遙村酒可賒。山中多淨味。紫蕨吐香芽。

暮秋雨中閑望

一江暮潮滿。四野晚禾垂。霜樹粧秋錦。風梭織雨絲。行人簑影重。歸艇櫓聲遲。觸目詩材足。北窓閑坐時。

賣花聲

吹送清香何處風。風聲聲叫過畫橋東。美人眠起春窓敞。手拊牡丹一朶紅。

夏日京師客舍題某上人如越詩草後

客居空送幾朝朝。數卷新詩破寂寥。讀到炎天嚼

冰處。不知煩熱一時消。

釋曇華

名信惠。號一道人。攝州洋打出人。

宮詞

銀漏聽終愁思長。何人今夜侍君王。沈香亭畔妍妍月。偏照春園睡海棠。

花間步月

春天易黯淡。幸此遇良宵。欲賞花間月。徐行度地橋。無味之味

田家雜興

耕罷春田日正斜。欲歸村婦髻簪花。背兒行指爹
爹處。烟上塘西第一家。

釋龍雲名惠眼攝州
洋東明人

春日郊行

早春風意勁。嫩柳作梳忙。谷冷鶯聲詠。梅明人語
香。日光穿艸脚。烟色役詩腸。清景看難盡。吟筇傍

野塘。詠香
字眼

歸家舟中作

歸興忽忽九月秋。滄溟半夜泛扁舟。蓬窓一夢遽

然覺。矯首摩耶在枕頭。

題画

巉岩臨碧水。倒影簇松杉。日夕潮流急。一帆又一
帆。

釋法景名徹照攝州
洋石屋人

宿山寺

獨宿山中寺。沈吟坐夜分。人蹤不到處。天樂有時
聞。開戶迎林月。振衣觸嶺雲。老僧相指似。庭上木
犀薰。似賈
浪仙

客中聽夜雨

鳴鴈嗷嗷度野塘。此時孤客斷愁腸。家山契濶懷
千里。旅館淹留夢一場。黃葉聲高知雨過。青燈影
暗恨宵長。凄然未睡幽窓下。獨坐沈吟到曉光。

冬日居山

一卧百雲忘世情。時時採藥作山行。窓前欲種芭
蕉樹。却恐來人題姓名。

釋大惠

惠學之子

過羽作菴有感

余嘗從加藤生學焉。生去而菴廢。

衰樹春回不着花。蕭疎影裏見昏鴉。青衿一百令
何處。水自悠悠日自斜。

卽事

東山方吐月。烟際數峰青。水鳥飛無影。更聲落遠
汀。

釋海雲

名徹了。字五洋。攝州洋石屋人。

秋盡有感

無人振魯戈。秋暮等閑移。葉盡山色瘦。草枯蟲語
衰。家山三百里。歸夢茫無涯。光陰空歸酒。一生但

付詩。蹉跎平生志。袖手無所施。耽讎百感集。何能

至期。頤悲壯不

春盡別故人

桃花歷亂委滄津。此處離筵愴我神。一路濛濛三

日雨。送春兼送遠行人。黯然銷魂

乳燕

燕燕知時節。當春返舊樓。啣泥知幾日。忽有衆雛

啼。言外風味

平方默字思道號玄龍肥前佐賀人

山居

山深寒至早。幽人亦有勤。拾薪備積雪。釀酒供微

醺。山靜如太古。寡寡無俗氛。溪流弄琴響。磗風送

蘭薰。鶴唳松杪月。猿棲嶺上雲。此心苟可樂。不要

錢一文。中宵挑松火。琅琅誦典墳。古意古調

客夜聽雨

夜雨蕭蕭聞亂蛙。孤窓欹枕剪燈花。青年不學徒

然過。爭奈霜毛次第加。

長尾恒字子清號星漢周防上關人

旭莊先生屢辱下存。且有高吟之惠。賦此奉

謝。

一封憐我拙。語語切恩情。霜後催暄意。早中聞雨聲。誦詩抄句妙。摹字愛書清。每想溫恭貌。不令鄙吝生。

水樓即事

鈴聲未破夢。燭影枕邊浮。潮去舟橫岸。月升人倚樓。琴樽偏作樂。筆硯亦消愁。賣麵誰過市。涼風氣似秋。三四佳句

早起

秋宵最難睡。曉起意悠然。洗硯庭池畔。煮茶竹樹邊。蟲聲泣殘夜。星影爛遙天。乞藥人猶未。晴曦照几筵。

閑行

躑躅花開蝴蝶翻。閑人趣興出柴門。家家晒麥江邊路。處處收桑水外村。一椀清茶烹雀舌。半庭新竹護龍孫。歸鴉數盡逍遙去。客子不知農務繁。

釋了救

浪華人

秋螢

淡如晨火滅。老似曉星殘。秋露盈盈裏。餘光一點寒。

春曉

旭日上疎簾。啼禽呼我急。起尋夢裏人。窓外孤梅

立。語意幽峭。化腐為新。

題冬景圖

認得營邱畫。江山古壁懸。雲邊濛欲雪。林外淡生烟。水冷潛魚隊。木枯現嶺肩。老僧似無意。獨倚紙

窓眠

春晴乘舟遊櫻洞

欲賽櫻宮去。繫舟十里塘。花開春色麗。妓過惠風香。麥畝雉聲綠。菜畦蝶夢黃。晴郊多少景。一一入

詩囊。第四句奇句。

梅花

獨先萬樹報春光。不競桃梨紅粉粧。疎影斜臨流水外。一枝纔發斷橋傍。江南雪解鶯聲暖。湖上風吹鶴夢香。何覓羅浮仙路遠。此花多處是吾鄉。

井口義龔

號柳燕
浪華人

明石浦夜泊

赤浦夢初覺。蓬間望不分。須磨曉鐘起。敲破海門雲。

秋夜寄友

燈火幢幢影將滅。幽居偏愛人聲絕。問君此夕已眠不。月色如霜霜似雪。

天神橋晚眺

十里清流穩。櫓聲次第微。沙汀棲鳥散。柳岸旅人歸。

稀山月照愁。夢江風吹弊衣。八間樓上女。早認客舟歸。

浪華曉望

市上人猶睡。橋邊望更遐。飢魚吞落月。四靈集
中佳句睡鴨起平沙。曉樹澹如霧。炊烟蒸作霞。先皇詠歌處。今日轉繁華。

秋江夜泊

天高江濶水烟齊。小艇維來垂柳堤。獨坐燈前愁意逼。一眠篷底夢魂迷。浦邊殘月動沙沒。城上宿

中書省家語卷五
十八
鴉投樹啼。試認故園何處是。青山萬里白雲西。

秋山晚眺

萬葉落盡有何碍。窓中坐見山又山。晚風吹落杉
松冷。殘日傾來丘壑閑。須臾冥色人不見。燕歌彷彿
白雲間。

釋惠道 泉州人

春日山家

深淺溪間水高低。岸上家拂蕪耘宿麥。培畝育新
茶。嶺北猶餘雪。林南已有花。誰言無曆日。鶯語報

春華

雨晴

快風吹午枕。睡起雨晴初。江濶虹身斷。雲鬆日脚
疎。迷禽出涼竹。病蝶著秋蕪。唯喜茅簷外。蚊羣一

洗虛 三四佳句

海上晚望

長天將雪夕。雲低海氣蒼。茫望欲迷。一路蕭條人
不見。漁舟閑却早梅西。

紅林納涼

數箇涼棚架水端。青林遮日夏猶寒。呼杯未至憑欄坐。時見香魚上石灘。

津田基修

字來夫。號栎亭。泉州界人。

登伊駒山

宿霧蒼茫望杳然。危崖取路入遙巔。拍楓半染新霜後。鳥雀漸飛殘月前。水碓伊亞逐風響。樵歌斷續滿谿傳。曠曠寒日東升處。愛看山容次第妍。

初冬山行

稍稍霜威烈。萬林皆作紅。過橋逢霎雨。背岸避寒

風。靜處泉聲大。陰岩日影空。危梯長數里。疑入蜀

山中。

中二聯
精微

秋曉

一叫隣雞破夢時。枕頭冷冷曉風吹。起來瀉硯芙蓉露。改寫前宵月下詩。韻人
幽致

寒夜

雨歇西江夕。一蓬載月歸。濕煙猶未散。樹影自依稀。

鳩樹鳴

號四郎
安藝人

夜歸

東岑吐明月。光照白平沙。露咽蟲吮濕。風梳柳勢斜。稍過橋獨木。暫息路三叉。何處人聲近。林間賣酒家。

安藤廣人

立春

為客方三歲。今朝復立春。柳纔開翠眼。梅亦綻香唇。臘雪全融解。朝暉轉斬新。惠風吹不絕。慰此讀書人。

書驛樓壁

枕上夢回方五更。市聲已定有蟲聲。征人不勝此時意。獨向殘燈說旅情。

夜坐

午夜比鄰寂。閑吟坐小菴。尖風吹戶牖。凍月掛茅簷。

柘植泰

喜晴

暴雨何邊去。乾坤清且涼。遠波涵渴電。高木掛斜

陽田婦收簞笠。野樵袞糝糧。徘徊頻覓句。我亦為情忙。

湯婆

寒床情厚不離身。非管明眸與絳唇。多汝時過心若水。乞骸更薦竹夫人。山時過一作平生。○若入五山堂詩話中亦為俊作。

偶成

不才自喜絕塵緣。春至門前高枕眠。醉夢醒來猶懶起。臥看童子放風鳶。

煙草

輕輕影。襍鷓鴣。斑仙境。餐煙却等閑。尤愛午窓眠。足後烏皮屐。穩看青山。為煙草傳神。

五弓久文

字士君。號迂燕。又號雲窓。備後府中人。

題畫

曝網漁家半掩扉。村童向暮飲牛歸。一泓流水斜陽外。風動菰蘆雙鷺飛。

關惟熙

字伯登。號八十一。雲州栢縣人。

訪隱者不遇

羊腸險路步徐徐。寂莫秋山樹影疎。今日主人何

處去案頭只有讀殘書。

河野慎 號慎齋
安藝人

村居秋曉

獨坐書窓下。絺衣怯峭涼。靜邊簷馬啞。暗裏木犀香。殘月低山角。宿雲迷屋梁。飯牛人起早。歌唱響鄰牆。

越智通敏

字士精號成齋通稱河野龜太郎長州赤間閩人

春夜步月

二更山吐月。曳杖入平林。人影羨花影。隴隴一路

深。

釋義圓

號敲月浪華人

江村晚景

江水烟徐起。歸雲掠落暉。無人橫釣艇。有鳥睡漁磯。長網緣檣曝。疎鐘隔塢微。前村還後落。一半掩柴扉。

夏夜即事

陰映石燈倚。短籬階除灑水捲。薰帷飛螢誤落群兒手。暮鳥認歸修竹枝。疎牖煙飄拆蚊鬚。輕衫風

拂健吾肌暫收靜味甘枯坐涼月三更現半規

城外散步

載筆步城外輕風嫩日時青敷芳草逕黃染菜花
陂蝶舞追詞客鏡聲驚稚兒曲堤還向北蒲水認

櫻祠

待詩友不至

日夕何由慰此身插花掃室待佳賓林端月色及
疎牖門外屐聲非故人檢得詩材三思熟試來茶
味一番新初知枯坐四鄰寂獨向孤燈孤影親

釋東景

名慈猛字環慶揚州洋河原人
東景文人詩其餘寡然亦道士

登摩耶山

摩耶山聳刺蒼天一路蕭森絕俗緣臥石殊形頗
似佛行雲纏足自疑仙木魚曉響高僧起林鳥午

翔齋磬傳寄語人間名利客不知此地去逃禪

奇俊

秋晚散步

吟行尋勝地沿水向前途幾處沈曾罟連舟運賦
租鳥巢圓禿樹魚尾露枯蘆不飲難歸去寒風暮

透膚。

寒夜讀書

遙聞清響似蟲鳴。知是鄰兒夜讀書。吾亦唔呼殘
燭下。與君相和及深更。

釋鳳巖

河內東。人破人。先登堂矣。

春日遊墨浦

擊鼓聲喧春社初。祠邊曳杖與何如。遊人減服清
明後。漁叟試綸新。雨餘松樹千株浮。似蕪湖。痕十
里。落為畝。堪憐眼界雲煙色。莫使瓌尊濁酒虛。

春日散步

吟行何所赴。林外路三叉。龍鬚參差出。泉流次第
斜。綠漂風處麥。紅褪水邊花。認得魚苗躍。飛鷲落
遠沙。

初復村居

餘酣宜緩步。出戶即池塘。水瘦魚身臥。泥肥荷脚
長。晚景峰頭復雲白。麥處夕曛黃。意倦聊休息。林
間有石床。

界浦晚歸

暮色已依微。浦邊行客稀。路長松樹夾村小。荻叢
圍。宛如遊其境秋鴈引聲落。寒鴉帶影飛。吾家何處是。
燈火點前磯。

卧病

遠客五勞猶未瘳。藥爐衾枕奈多愁。病中更有流
年感。梅樣癯身。鶴樣頭。

村居雜興

避暑何邊好。綠陰羨綠苔。早蟬初出土。看上老杉
來。小景可愛

入京所見

憐他任何重。身上宛成邱。車跡遍阡陌。一半逐二
牛。惻隱

真鳴介。字于石。號五老山。熱播磨人。今住兵庫。○于石以擊術鳴。而詩不遜專門名家。

冬夜懷家

故國山河隔。鴻書不報安。顏檐霜早下。蕪圃葉應
殘。負米今難復。斷機長抱歎。心情誰與語。淚落夜
漫漫。真情露然動人

復日山行

山程催暑處。宿雨放晴初。漲退溪呈石。日長蕉捕
魚。五字。殊勝。層巒瞰村落。高柳認吾居。漸漸人寰遠。松
風心淡如。

兵庫

市響如雷因歲豐。填街梁粟與山同。霜凝瓦屋參
差上。月出帆檣斷續中。平相雄圖鎮激浪。補家忠
烈立奇功。一景一情。一古一今。一聯足盡。古今商畧增忼慨。白
髮飄蕭奈我窮。

題畫

攢峰圍繞翠嵐堆。中有春流傍柳迴。提網村叟呼
不答。知待香魚上水來。

春雁

銀鈎半畫暮煙重。丁字模糊僅認踪。借問背花何
處去。遙遙飛過隔江峰。

春夜過於地藏院觀花

醉步槃跚帶月來。月隨我影共徘徊。忽入山門不
見月。落花如雪滿衣堆。輕妙不費力。

秋夜對月

蘭湯浴歇氣方清。獨坐露臺看月生。幽賞何人同。
我意鄰樓吹出一枝笙。與不知秋思在
誰家異曲同工

釋寥然住備後今津
驛藥師寺

登大寶山

松杉森立帶蘿藤。一線羊腸百折登。群鳴參差如
散粟。微軀寡廓似乘鵬。攀來山上桃梨杏。供去堂
中佛法僧。此是源公興復處。英雄意氣亦峻嶒。注自

源公滿仲
興復此寺

大內山寓居促洛東友人

嵐山先已探。御室亦將行。好自明朝業。共看芳野

櫻古色
蒼然

天保庚子復洪水即事

勢如奔電逆波衝。堤決崖崩誰敢壅。北陌南阡萬
人出。或呼舟去或撞鐘。

逆流之勢劇奔瀧。平陸看成萬頃江。倉卒危哉誰
氏子。浴盤乘去出顏窓。巧屬驕貝
似清人

釋本教住備後尾
路琉璃山

客夜

音書奈難寄。故國一茫茫。月奪殘燈苦。梅穿破牖香。
單身愁褐短。倦夢恨宵長。起步庭柯裏。凄然露濕裳。

郊村緩步

緩行窮目處。郊色自秋陰。村遠歸禽倦。山重落日深。
佳聯逼中晚何人倚筇立。聽我隔林吟。不覺前途盡。
紅楓劃水潯。

早行

山靜星低樹。風生月有聲。打衣千葉下。觸杖一禽鳴。

驚。隔水人家起。近村畧竹橫。誰知羈旅恨。早起帶霜行。

偶成

粉翅飛花杪。金衣轉柳枝。海棠亦眠醒。嬌影浴春池。

釋惠眼

浪華人

庚子元且

憂隨殘臘去。歡與早春來。且盡杯中物。坐看窓外梅。

曉行

雞聲喔喔認柴扉。煙罩前村燈影微。夾路楓林行不盡。天明紅葉滿緇衣。

真鳴濟美

字希元。號管溪。又號比。江介之子。播磨人。今住兵庫。○希元年未弱冠。才

氣駸駸日上。可謂此父而有此子也。

秋盡臥病

楓葉飄零秋暮時。殘紅數片護低枝。午風太暴寒難禦。曉月無情影易移。勞翼已如長度雁。壯心猶似老年騏。倒裝句。法自好。辭家三歲成何事。贏得牀頭一

卷詩

冬初遊天保山

眼界渺茫灣又灣。每遊到此破愁顏。窺魚鷺立枯蒲外。喚渡人停衰柳間。潮際一鉤初月落。天邊數點暮帆閑。微風不起晴波穩。空翠倒涵天保山。

曉遊山寺

江鄉行盡至山鄉。一徑斜斜向上方。宿霧猶籠峰頂寺。朝陽已滴塔尖霜。

初秋田家

漸遇秋涼病體輕。閒攜藤杖出門行。荒溪日午無人過。只有村春隔樹聲。

七夕

新菓堆盤色尚青。紙燈幾點照中庭。髮初覆額鄰家女。私向傍人問二星。寫情婉約似王仲初

藤井維章

字范藏號箕人陽攝津芝人

復日聞蛙

竹窓何計惹微涼。風死簾波看不揚。忽有群蛙草中喚。喜聞急雨過前塘。

秋江晚眺

孤村雨止暮煙橫。何處遙遙喚渡聲。十里空江人不見。蘆花如雪月初生。如

無尻川

兩岬田家正飲禾。農歌幾處雜漁歌。江頭昨夜嚴霜下。十里長堤紅葉多。平淡成味竹枝妙境

藤田斐

字章次號雲巢兵庫人

題畫

天寒動楓意。水落露溪沙。不見人來往。雙鳧隱荻

花

秋日曉行

曉天纔辨色。匹馬泝前溪。遠寺疎鐘響。霜林落月低。

相良報

字德惠。號江黑。春榮肥前佐賀人。

曉發

蓐食侵寒度。小溪糝糊烟。霧鎖東西。半山落月疎。鐘響一岸。淒風孤客迷。鴉起不知何處。樹雞鳴方認野人栖。先行誰亦同吾苦。橋上霜華印馬蹄。

詠秋柳

莫唱陌頭楊柳謠。蕭蕭不復拂河橋。此時漸瘁玉。恭態當日猶思張緒。腰遊子魂悲。淒雨晚栖鴉。夢破冷煙朝。春來轉覺多離別。未至殘秋。成短條。七八

吉永熙

字子敬。號昌菴。英後柳川人。

曉發御着到姬路

曉過姬路驛。宿霧鎖城門。風勢衝入。面霜華印。履痕鴉鳴難辨處。犬吠忽知村。爽氣西山滿。暫忘旅

務煩。

舟中吟

不與餘人語。蓬窓獨苦吟。煙多天易暮。海濶月難沈。
沈句在鯨乳時驚夢。鷓鴣真會心。今宵何處泊。遠火在蘆潯。

途中吟

蕎花如雪雜黃梁。田色成紋秋趣長。山路蕭蕭寒日短。未過數堠已斜陽。

阪上弘祖

字大業號九山又號柳橋浪華人。大業詩稿極富。織履新懷自成一家。

此舉其一

琴松菴觀新荷

嫩藕纔抽水。短長疎影交。雄風何必破。細露稍堪
色。魚觸小搖柄。蛙登先占凹。怕他人眼沈。遮掩未
闌芭。

謝春波塚詞契惠自画山水

奇景恰將奇筆摹。下投深媿枉憐吾。當今范綏亦
非變。再出倪迂性。豈迂秋樹着粧山。色媚高人倚
幾市氛無得籠。不勝仍望蜀。更賜春宵花月圖。

秋夕酒醒

無心蟻穴覓封侯。何厭與人風馬牛。筆耒紙田耕未熟。龜毛兔角歛無由。神清知足福中福。興盡吟愁外愁。至理名言獨酌醒來山月白。風筇時送一聲秋。

偶然觸感得一律

香鴨煙殘夕照流。塗鴉書罷好神遊。榮枯如水何須羨。富貴在天焉可求。睡去中山千日酒。興來剡曲半篙舟。到時隨意皆相適。不著人間一點愁。此興

前詩可以觀大業胸襟滿瀟

寄呈棕亭津田詞弊

兩句不得泉南信。已送薰風梅初黃。隱隱度江鐘帶雨。亭亭遮屋竹生涼。甘成小隱詩三昧。遠望美人天一方。澗曲煙波待君久。孤鷗何事獨高翔。

春初偶成

雖然慣俗利名趨。歸去晚間情自娛。一朶梅花一枝筆。主人吟榻半塵無。

自木屋瀨到赤間驛途中觀螢

野草雨收青始蕪。三叉水外一堤隅。萬星熠燿明
於晝。蘋末桺梢無處無。

不團不散黑還青。高着楊枝低着萍。憶得去年携

玉手。菟川橋畔宿濃亭。

自注菟川以螢名

村童相喚撲螢圍。圃底騰邊去又歸。雀捉一星符

麥捷。早逃扇隙又高飛。

寫景新尖筆隨意到

夏夜即目

不覺涼風到。自然皺翠帷。晝間蟬噪處。月坐喬松

枝。

秋在坐字

赤關襍咏

誰言波底置宸宮。八歲幼皇請國風。憶起當年無
限恨。彌陀寺畔月朦朧。

戊戌二月十九日。遊櫻祠。路上賦所見。似茅

其谷。

櫻未放。香梅已落。東風暫此歇。豪華幾艘。遊舫載
紅袖。春屬人間。解語花。

冲尚隆

字盛卿。河內狹山人。

遊櫻宮

朝探網洲北。夕溯淀川東。人聲花霧裏。不問識櫻宮。

送春

紅已辭桃杪。綠方歸柳枝。送春如送友。臨別轉相思。

宜園百家詩初編卷之五

127
14
114

宜園百家詩初編

六

12
1
11

宜園百家詩初編卷之六

阿波 矢上行子生纂評

釋亮恩

實號歸峰。越前人。住筑後高良山。人詩云：愛僧不變紫衣僧。言汝門也。思公德業既高。旁嫻文辭。加以交人無挾聲譽。日與此可以諷世。

登高野山十韻

高野鍾靈秀。峻增搢碧天。登臨飽探秘。徒倚擅窺
玄。捫薜層崖涉。通雲一路懸。深林何代樹。陰壑幾
時煙。拈石非人力。推巖是鬼權。山花頭上笑。澗水



脚傍澣絕頂平如砥。梵樓紛似屋。佛香風外度。齋
磬靄中傳。鳥自吟三寶。僧常伏十纏。觀斯法燈熾。
渴仰海師賢。

梨花

花如靜女抱幽貞。帶雪衣霜徹底清。脈脈冷香堪
惱蝶。莘莘嫩葉欲迷鶯。疎欄留夢眠春雨。小院含
愁立晚晴。若使野梅同節序。孰能為弟孰為兄。

春日書懷

柳暗重三後。花殷百五前。朝吟嵐峽水。夕醉葛原

煙容稍催衰態。情寧減少年。惟愁人指點。不敢作

狂顛。

君子諷於言觀此後半
及下偶成作可想其人

松風菴

樂只園十
二勝之一

菴外松風奏。菴內茗鑪鳴。謾謾相和處。都是海潮
聲。憶曾泊明石。蓬窓眠屢驚。不墜咏
物叔

偶成

真成堪愧又堪嗟。心未出家身出家。若使斯心住
空寂。不論冠帶與袈裟。

閑坐

閑坐唯聞野碓春。相尋誰又曳枯筇。要知入世傷
心處。渾在秋天日暮鐘。然

松永豐

字子登。號烏津。又號花道。數人。笑前博
多人。○烏津笑下高人。崇尚風雅。愛敬
賓客。其姓名遠播上國。穎山陽嘗語淡翁曰。
海西詩人。除足下與田君。蘇唯有一松子登耳。
則其詩固不待評贊也。

次韻德永士寶花月吟

今本集六首
錄二首

花月風流自一家。願將花月了生涯。憐花憐月情
無倦。吟月吟花句耐誇。露點花心微泛月。煙生月
下淡描花。請看花月春江夜。花映清漪月照沙。

春江月出花如錦。吟月哦花步水涯。櫓響花追乘
月艇。箏聲月戀隔花家。惜花小小仍歌月。待月鶯
鶯故傍花。花月年年人競賞。寧知花月促年華。

次韻淡窓先生村居雜詩八首

錄六首

教授終無倦。知君樂育英。州人常仰德。遠客日通
名。觀水思心淨。對山攸眼明。一村夜方定。獨坐聽
灘聲。

午倦將成睡。廢書暫倚樓。水禽沙背浴。田父路傍
休。爛漫過花候。清和近麥秋。蕉青偶菊酒。一酌遣

閑愁。

日高眠始覺。童子正闌門。昨夜過微雨。殘雲尚擁
村。新晴可人意。靜坐聽禽言。君性欣肥遁。誰云時
運屯。

去年風作暴。幸未欠田租。愛酒思彭澤。裁詩擬石
湖。炊煙生聚落。春樹隱浮圖。吟艇方堪放。清漪浸
綠蒲。

偶被兒童要行吟。日未斜。溪南二三里。谷口十餘
家。泉脈潛穿竹。蛛絲細罩花。老農渠可愛。敬客手。

常又。

芭蕉稍抽葉。綠映讀書櫺。小雨飲巢燕。輕雷啓蟄
蟲。學窮今古際。思寄詠言中。趨舍宜隨意。何煩問
碧翁。

再次前韻

塾有童勤學。門無吏索租。操宜比和靖。居豈必西
湖。棲逸自成趣。林邱好製圖。靜觀浮世事。冷笑坐
團蒲。

步履時微倦。輕舟試遡洄。風漪如展殼。瀨石不生

吾鷗避棹聲去。山迎帆影來。坐聽漁唱起。日夕與
悠哉。

題画

老樹崖邊屋數楹。峰巒重疊路縱橫。山翁終日閑
無事。卧聽奔流落澗聲。

蘆白菖紅十里波。鱸魚秋老上竿多。平生不識封
侯事。遺與子孫唯一策。

全

落日隱西山。桑柘靄殘暉。有人方擊碯。長政荷鉏

歸。君家知不遠。隔水有柴扉。窓下聞札札。荆婦猶
在機。矮雞已栖架。稚子將告飢。貧居雖如此。中心
應不違。對此三歎息。深覺塵營非。陶公正取

新地

傲居歌妓去何之。新地繁華彼一時。花下小扉春
尚鎖。新來社燕欲依誰。

櫻花依舊照晴川。無復樓頭歌舞筵。記得去年寒
食夜。三絃聲湧五更天。因實記事自堪不板

早春郊行

東風淡蕩促吟行。草履藜筇身自輕。出郭逢人無
熟面。過林聽鳥不知名。晴川汨汨新流濁。遙嶺重
重殘雪明。朝市近聽除舊弊。回頭祥瑞擁嚴城。

同梔原侍讀遊聖福寺呈湛公。

僧久雖異趣。對晤共忘機。茶沸松聲細。香殘雲縷
微。無為真性是有漏。此心非忽怪。西窓暗長松。蔽
落暉。

村山漢

字孟偉號太白山。熱肥前田代人。○太
白允仲父也。肥中名家。齒長淡翁。而在
懷求益詩亦平淡
和雅類共為人

寄贈巖谷俊吾祗役在濱崎

巖子祗于役。從彼瓊鳴湊。瓊鳴水泠泠。子清可以
比。蓬桑素有期。何為老鄉里。宜繼子家聲。砥行濟
其美。濱崎豐樂地。民俗又驕侈。君子佛仔肩。烝烝
無幾殆。茲遇荒耗秋。恤貧勿管篋。愷悌常操心。誰
能容讒毀。同府有舍公。賢達且長齒。丹心須納交。
咨詢寧可耻。餘暇愛執友。有若元亮氏。鑿園知匪
他。搗文亦有斐。胥吏皆多才。時或接燕几。野看聊
佐斟。一醉勿厭醜。乘酣步虹原。十里聞數乃。松露

蘇為茵。行拾洲沙裡。晚攀嶺振山。山路不靠歸。一
手佐夜媛。或揮望鄉涕。憶昨當新婚。此別交悲喜。
勿念空房中。紡績無豫怠。地名亦關情。西春望呼
子。巨海視慈恩。羹牆思何已。壘白飯加餐。百年唯
子恃。勿用貪利名。礪若浮嶽峙。芑苴路須塞。賄賂
從此啓。豈有蕩煙花。枕席慎卧起。政理吾何言。官
途有方軌。冀表功績來。闔族多光被。壯年輕別離。
漢也嗟老矣。唯應報平安。音信賴鴻鯉。刻意放翁極肖

南園春興

雨能使花開。花開還怖雨。渾是惜春情。聊與鶯兒
語。步叩西溪扉。友亦尋花去。遙認獨往蹤。追入雲
深處。

賦得春來何處早

春來何處早。處處縱幽討。小憇梅邊家。斜從柳際
船。山光雪似花。野色煙成章。同調報黃鸝。此中偕
汝老。

衙上偶成

白頭對花愧。無意問清明。柳外昏徒影。松間射圃

聲芳時訟書少樂歲義倉盈他日巾車去村村欲

省耕樂哉此境

濱崎解上作

玄溟何比主恩深解上餘寒力病臨政似新調駒
有轡身如已退筆無心憂民欲劬馮懼券擁簿徒
慙宓賤琴吏散衙門春寂寂林庭細雨聽鳴禽

後藤重胤

字萬世號南浦筑後柳川人○南浦詩雄偉俊爽存武人面目自然可尚

除夜

光陰倩誰繫迅如駿馬飛耻吾過半百樗材無所

施空思先君子武名夙見推韜畧弓馬槍身當百

虎貔所以先公世特恩禮重之寵賜一何厚劍馬

及書衣八十射穿革九十猶能騎矚鑠有如此以

為至期頤奈何乙未冬俄然棄孤兒寶劍空星文

名馬猶龍姿審固觀德書

自注先考八十歲時講射於公前公親書審固

觀德行之語賜之長傳孫子輝舒之起再拜卷之紅淚垂

丙申亦何歲頻逢賢哲萎蘭叟稱英士功績煥一

時騏驥雖老矣猶思千里馳園老是純儒方與洋

學衰甞勉忘老病誓報明主知二賢相繼逝天乎

意可悲。種君同僚友。才氣囊中錐。夙學甲陽兵。更
立文場旗。中秋公會別。無復有見期。歎息摧玉樹。
葦葭又依誰。除夜寒燈下。雨聲亦淒其。不眠釀衆
感。聊託一篇詩。

贈馬歌

龍種幾空蜻蜒洲。與東薩南是其尤。乃公愛馬薩
攸出。竊誇一藩無比匹。骨相雄偉鬣尾長。純黑之
毛如塗漆。奚奴牽來埒場前。未調觀者先愕然。一
馳長風颯颯起。宛若驪龍飛騰天。逸足冀經造關

道。擬食天山雪中草。清時實材竟難施。惠養唯當
櫪間老。今日無復曹將軍。安得神手寫其真。

春日書懷

雍熙二百太平年。徒辱先鋒步將員。花埒馳駒飄
艷雪。柳郊飛箭拂春煙。青龍眠穩劍三尺。金鎖塵
生甲一聯。累世主恩猶未報。鏡中漸變鬢毛玄。

哭種汀十時君

胸裡空藏數萬師。翻揚文旆太平時。驚人佳句杜
工部。驅鰲雄篇韓退之。驚驥難傳悲氣類。幽明從

是各分離。奈何今夜中秋月。仍舊清光知為誰。

春日遊山寺歸途有作。

白雲相送出禪關。復入郊春画景間。驛路疎煙長
短。柳江天暮靄。有無山。詩囊偶遇高僧。荅吟杖又
隨歸鳥。還行到層松。風咽處。猶疑崖寺瀑潺湲。

山家夕景

初夜佳春景。門前曳杖行。歸雲漸收迹。棲鳥已無
聲。月出山愈靜。雨餘泉益鳴。得詩猶佇立。誰共此
時情。

春日雜咏

狂客疎機務。徜徉日涉園。輕風春雨霽。美景午天
溫。聽鳥嬾饒舌。看花愛不言。暮年親友少。知己禿
毫存。

芝岡孝繁

號福美堂
後府內人

寄人

知君意氣本豪哉。書劍尤憐絕世才。但使姓名長
不滅。重腫何必笑人來。有見之語

掘義彬

字子文。號椒園。又號養拙齋。筑後久留
米人。○椒園米藩文學。一邦聞人也。

夏日田居

一自屣蹤卜此居。無心魏闕曳長裾。園鶯聲少綠
陰外。巢燕影忙晴景初。帆過急灘前。又却掛連曲
岸。密還疎。回頭人事半肱夢。風裡孤雲任卷舒。

春盡

綠陰層疊畫溟濛。蹉過三春一夢中。流水無心送
斜日。落花有意怨狂風。寬閒官况歸禪理。冷淡詩
情任化工。為惜韶光聊小立。暮鴉幾處點晴空。

送人之東武

衰病息影卧青氈。忽聽高堂設祖筵。鴻鵠飛揚千
里外。鷓鴣騰躍一枝邊。曉風殘月催官况。簷鐸驛
鈴驚旅眠。往見松陽為吾語。椒園春韭已堆盤。

上高良山

吟杖追新霽。來敲不二門。天高塵影絕。山靜木陰
蕃。輕靄籠花樹。歸雲擁竹村。人還晚鐘歇。蕭寺寂
無喧。

森春樹

字士碧。號萊洲。豐後日田人。○萊洲遠

乃中平後所
樂然亦可觀

次淡窓先生村居韻

屋後闕船路。相追運稅租。奔湍波似雪。平野霧如湖。昏旦無涯景。丹青不可圖。螺鳴鷺鳥去。帆影透枯蒲。

除夜

倚八心中靜。挑燈世上譁。人傷一夜盡。梅耐二年花。殘白憐吾髮。新青入樹芽。潛然憶往事。一一足

嘆嗟

第四句新

役敬仲

豐前彦山人。道人竹衣木食。其詩乃具清責氣。其人可知。

皇都

江南芳草送餘薰。驛馬長嘶入彩雲。遙指禁城春樹裏。千年王氣紫氤氳。

天朝文藻屬衣冠。臺閣清高氣似蘭。借問金陵佳麗地。何如花柳滿平安。

五帝三皇不足論。百王一姓獨稱尊。日華春暖溫明殿。雲氣朝通朱雀門。

舟下蒲江

風吹蒲篠漾淪漪。一葉漁舟下峽遲。秋雨淒淒陰

下。舞。鷓。鴒。曝。翅。滿。松。枝。

中野南強

字君教，號綠猗，園其後，折川人。○綠猗，城文學，其詩具一體，雜以巨圖。

調、風、趣、轉、佳。

同後藤子明遊豐後出門有詩。

豐水何清潔。豐山何秀奇。清秀出偉人。天下誰不知。願以侏離舌。學君絕妙辭。西筑身猶在。東豐神已馳。匆匆整行李。吾將往從之。出門兩滴沁。濕雲隔天涯。尚德哉。若人。

咏史

人主忘鷓鴣。毒相率耽宴。安如彼稼與穡。爭如其艱。難延喜聖天子。仁德仰愈尊。龍床脫寢衣。親試冬夜寒。斯意千載下。誰不銘肺腑。俗儒豆大眼。識見一何偏。身生扶桑地。心到支那天。閉口稱堯舜。所說太紛紛。渠短務回護。吾美蠶桑捐。立言煌煌。亦可謂有補於教名。

咏筵

天明隨厨婢。日夕伴奚童。役使不少怒。龜勉頭已童。筵也何薄命。委在塵埃中。切於事情。可。

到廢寺

僻地幽鄉去探奇。故教蕭寺故遲遲。一條坦路隨
衫直。數仞高樓並竹危。寥聞無人唯石佛。朦朧有
字是苔碑。遽然薄暮回筇去。樹上怪禽啼喚雌。

夏夕過野村

歸袖容涼氣。遲遲過柳堤。臨江疑地盡。欲雨覺天
低。為愛閑行好。何愁生路迷。孤舟人不見。繫在斷

橋西。

三四
名句

欲出遇雨

三春自笑為花狂。酒蹶詩顛興味長。今日平公與
已駕。任他風雨作穢倉。

冬日晚望

暮色漸來村樹端。一群歸鳥羽聲寒。還家未脫公
朝服。窓外青山挂笏看。

相良賴信

字孟符。號理嵐。一號半。但豐後
日田人。○相良名家。典刑不減。

自長崎歸

半年萍跡入秋還。瓊浦繁華夢寐間。喜見五娘皆
健在。探囊分與九連環。

戊戌新年

一病連三歲。愁邊又物華。身隨笳影瘦。齒與冬痕加。岸遠煙凝柳。林空雪代花。午晴寒意軟。小步賀隣家。

熊谷昇

字君象號雪堂豐後日田人○君象開有百家抄之樂極然遇之不圖卒亡僅

得兩首錄之

崎陽客中贈相良孟符

孤食唯是任天然。世事悠悠與夢還。旅寓避煩新手段。漫遊同轍舊因緣。人聲傾市殊方貨。鳥影點

波何國船。彼此相逢宜盡醉。高歌長笑送餘年。

語語

實境他人或不能知

早起

山未分明水更深。窓前烟霧曉陰陰。宿鳥方起聲相應。漁艇纔過影忽沈。青女駐蹤敷地上。素娥失色在天心。茫然自笑詩思苦。不覺頭巾零露侵。

合谷芳

字清甫號金陵又號念真筑前甘木人○金陵身在市廛志屬風雅亦筑中高

也人

秋曉

卧聽更聲盡。起看月色沈。疎鐘響上方。清氣入我襟。
深樹鳥未起。樵歌向遠林。曠曠一輪影。披雲上遙岑。
褰裳漱前溪。把帚掃墻陰。幽篁露欺玉。寒叢菊搖金。
歸房悠然坐。床頭有古琴。善哉任意彈。何必問知音。

元日

春不釋都鄙。邦無抱怨讎。紙窓新日滿。鐵硯舊塵留。
山色迎青眼。梅花映白頭。景光千萬態。從是屬吾儔。
三四元且黃景移他所不得

讀劍南集

自喚放翁酒是耽。滿腔忠憤萬詩含。壯時曾買打毬馬。
老境還甘待菜蠶。銀燭看花如昨夢。茄簪聽雨便同參。
當年誰毀南園記。一語無雙何所慙。

遊彥山

遙指飛狐最上頭。芒鞋竹杖試間遊。山鍾神秀跨三國。
符籙靈威遍九州。捧玉龍曾洞裡躍。彈箏客昔溪邊畱。
登登窮處振衣立。領畧煙嵐一色秋。

早起

一睡醒來只短檠。坐聽雞唱到三鳴。露寒栖鶴初
離樹。月落行人未上程。林下彷徨帶殘夢。溪邊盥
漱療餘醒。後園芳草新沾雨。紫白黃紅各競榮。

秋夕

已去管鮑遠。交情不足憑。酒茶無各罷。誦續共孤
燈。敲戶風疑客。窺簾月是朋。夜眠猶未着。霜氣五
更增。

悼亡

偕老一生契。豈圖中道終。苦心迎吊客。強笑對鄰

翁。歲自歎邊暮。春將愁裏空。忍看画梁上。巢燕又
雌雄。

內山朋

字元吉、號牧山、筑
前福岡人、住浪華、

秋江夜泊

回頭故國幾峰巒。一夜愁人得睡難。跡若浮萍漂
不穩。感同輕霧起無端。蘆間落月迷殘夢。枕底秋
潮送曉寒。欲發布帆風未便。鷺禽相逐過前灘。

和人登某嶋

遙愛山巒好。登臨繫去舟。林風非有虎。溪雨或從

鷓鴣地脈分。諸鳴人煙認幾洲。誰知斜照下。方是倚門秋。

自天保癸巳立救荒議。到庚子始就喜賦。

把國多憂何日寬。纔逢不熟意難安。區區聊備救荒法。也是吾人仁一端。

丹誠自見

漁村

短籬矮屋住高低。一呷炊煙望欲迷。蘆荻霜深秋水瘦。魚磯移在數洲西。

伊丹途中

菜花零盡麥芒齊。間有新秧纔出泥。雨過行人疎影外。日斜歸犢一聲西。

偶成

山影模糊望欲迷。疎疎春雨洒幽栖。坐看簷滴漸成水。淨得飛花過竹西。

復夜訪旭莊先生月近亭

書劍來留水館中。畫圖一幅倩天工。一簾含得波心月。滿榻吹來蘋末風。

後藤重德

字子明號蒲水筑後柳川人

春曉

老來常少眠。倦枕夜正永。殘月已隱山。孤燈何耿
耿。窓色生微明。物象猶幽靜。曉風送暗香。彷彿梅
花影。平淡使讀
者不厭

復夕過野村

梅雨不妨農。乍晴乍又雨。偶愛晴光好。步到南川
游。白鷺避人飛。映山三四五。

遊豐州淡窓先生門歸路逢雨

龜山隈川是樂土。我為吟哦心自苦。觸眼佳境盡

詩材。思似浮雲去亦聚。三年三度遊豐州。何事往

還六逢雨。真率有未夷然
而止是至音

曉到鶴渡

浦樹曉煙橫。蓬窓人未起。江風昨夜吹。舟在蘆花

裏。絕佳

集立花新梁君宅分題得廢家月

喬木歷簷簷。執危蟻蚋每戶綴。輕絲閑庭霜葉零。
皆盡。月獨何心守古枝。

安武鎮元

字子黎號荆村
筑後神川人

述感

低簷破壁小茅廬。楊柳街頭占靜居。祖昔建勳猶
有劍。家元事武。豈藏書。花庭葉砌常揮箒。麥畝菜
畦親把鋤。安分一枝吾自樂。雲霄萬里志何摠。三四

味有

病起

遲遲出東郭。杖履喜身輕。雨霽山猶醉。雲搖天似
行。農歌催暮色。蟬管欲秋聲。見面人應訝。病餘太
瘦生。

病中

蒲楊弱質不勝戈。况復連年病作魔。賴有雄心磨
未盡。書窓閒夢戰場多。

述懷寄人

孤艇膠沙歸路遙。此時閑却木蘭橈。恨無寒暑推
移力。長嘯扣舷待暮潮。

由布維文

笑後却
川人

即事

風疊漣漪涼始生。垂楊陰裏小舟橫。長竿投處魚

將上人坐船頭不作聲。

如

田中緝

字世熙。號穀耕。又號茂溪。筑後柳川人。○穀耕重叔容舅也。在柳川為名家。今

發已

春朝書懷

春山煙靄洩朝曦。正是枕頭回首時。花影濃邊苔色暗。蜂聲大處蝶行遲。痛腰痛背非由酒。如啞如聾豈為詩。才劣身衰官不理。休休何日得三宜。

春日偶成

淡淡清溪水。來廻隱士家。蜂聲離暖草。蝶影隱飛

花坐賞。還行賞。詩魔或酒魔。更無車馬客。長日向

西斜。

十四夜歸途作

月鏡無雲掩。途明十四宵。露蟲聲自濕。風葉影俱飄。清喜峰巒近。聞知市井遙。相逢同莞爾。溪上一歸樵。

秋朝

湛湛草露曉。庭寒落月蒼。范柳屋端長。夢醒來。還短夢。豆花籬上日三竿。

八月二十九夜始直于學館。

暮雨書堂暗。昏鐘學士歸。寥寥孤館廣。耿耿一燈微。國士恩難報。家山夢敢飛。古來豪傑輩。忠孝兩全稀。

除夜直學館

燈下親孤影。除霄學館中。園梅花笑雨。隣竹葉呼風。皎皎頭全雪。昏昏眼欲朦。涓埃何日報。尸位素餐翁。

板井種永

後柳川人

散步

朝過山村暮水灣。新詩吟就豈須刪。官情閑處誰相伴。世事忙邊我不關。江上春風吹柳髮。牆頭夕日映花顏。艷陽三月今將半。莫笑貧生盡醉還。

荷亭倚欄

高亭危檻架池隅。白蕙紅蕖似畫圖。魚觸殘花菡萏泛。艇風飄嫩葉露流珠。蟲音蕭瑟秋疑近。月色清涼暑欲無。隣舍詩翁頌疎濶。今宵有酒且相呼。

小林熊

後柳川人

八月十六夜四更步月於瀨高川

今日三柱
空祀事終

歌舞車歸將半宵。覓閒徐步水門橋。客辭樓上繁
絃散。賈語路傍殘。火燒列樹送風商。韻咽輕漪浮
月夜光搖。行人不解知。癡意應謂冶郎餘。與鏡

春雪

淑氣韶光春未深。俟花青帝思難禁。夜來姑假玄
冥雪。剪作瑤葩掛曉林。巧綴

春草

晴光臨水動。遠色與雲參。翻碧風成浪。染青雨有

藍。滋。融。人。迹。絕。芳。使。蝶。心。貪。為。入。西。堂。夢。欲。題。吾
自慙。

芝岡孝安孝繁子

三日播摩舟中作

滿山紅綠一川鷗。佳節題詩坐客舟。明日風和天
氣好。布帆無恙攝津州。

荒川貞字子岡。號石泉。又號龜尾山人。豐前下七人。

山中新年作

新年無賀客。閑却兩三家。門外溪流淨。窓前竹徑

斜簷猶殘臘。雪山已帶春霞。覓句何邊好。梅枝臨水花。

宿彥山

投宿飛狐山色清。洞燈明滅欲深更。下聞天狗空中過。萬壑千巖碯有聲。

足立忠

字恕卿。號鈍亭。筑後生葉人。○恕卿身任吏務。深達風雅。筑一名家也。總通不

惑而歿。藝林惜之。歿後七日。見夢於其妻。告曰。送我稿於日田。其篇好。可想。

咏史

田竇相傾罷。朝威亦復移。諸盛官獨貴。衆義鬼皆

飢。獐惡僧為相。嬋妍佛是姬。何知瓶子統。已屬傘工兒。

華侈卅年榮。秋風與夢驚。秦兵聞鶴怯。魏將裹纒輕。青葉笛聲怨。紅梅簾影明。冤魂消不盡。為蟹尚橫行。

九世扶君勢。忽如春夢醒。蔡同懿公鶴。鬼唱妖靈星。南木催皇夢。北條遭國刑。如何後門虎。掉尾據椒庭。

獻心惜刻印。不肯報忠良。河內捕空秀。海西菊只

芳可悲。北雞唱。竟使飽鷹颺。南狩觀櫻日。誰逐題
越玉。接引猶確
可稱奇異

登彥山

孤光抽疊翠。日子屹崢嶸。崛起藩三國。巍哉敞八
紘。春秋觀自別。南北秀相爭。月出黃金界。花開白
玉京。海暎宵已見。岳雪夏猶明。此景人空說。幾時
耳為傾。作官十餘載。賜沐一旬程。方蹈曾聞境。更
添夙好情。龜園雪舟跡。銅表火侯名。吟杖從停佇。
詩囊轉膨脝。羽衣巢木坐。鐵鎖縋巖行。法勝僧羈

佛洞幽。神護瓊。廢宮林化石。荒澗水。彈箏靈藥奏。
壺在懸。厓梵字成。冥冥探秘窟。浩浩領元精。嵐靄
巧裝綴。林巒屢變更。雲封雙廟遠。日轉二峰晴。濃
霧沾如雨。飛泉碎似霰。蕪山識烟起。蘆屋認砂平。
歷歷霧間野。瑩瑩虹外城。九重山名青矗矗。千歲山名
碧盈盈。辰宿占高下。乾坤分濁清。周洋半函鏡。紫
域九紋杆。天狗挾風過。雷公粘地鳴。螺聲猶噴發。
冠影戴星迎。役鬼符稱驗。降魔劍各橫。麻姑辨盃
具。木客結詩盟。詎管仙羨俗。已忘辱與榮。寒冰上

鬢髮攢巖入軒楹。回首思疇昔。願身慙後生。賣田
徒佩犢。嗜酒欲騎鯨。破產求師友。會文接著英。燕
遊效狙喜。耕耨厭蠅營。竟被饑寒迫。聊安外斗輕。
勝因非可再。心事固難并。歎息塵緣重。復應歸火
坑。欒然大作
道盡考出

夢

酒力輸長夜。三更夢忽醒。求睡愈不睡。眼竟似寒
星。擁褐思往昔。有感攢如積。林風疑剝啄。石磧訝
唯諾。向曉心膏騰。睡味却堪惜。灞陵橋上人。山陽

笛裏客。倏來還忽去。恍似肩相拍。驚起見屋梁。殘
月已失白。

蒲池俊

字君逸。號栗園。豐後日田人。○君逸身
在農畝。名播藝林。其詩比之於世。上作

家無
魏也

初夏

一村分住水東西。茅舍竹籬雞犬啼。貧婦更衣成
洗濯。農夫換犢試耕犁。池蓮葉大魚居穩。野草花
荒蝶路迷。我亦平田烟雨裡。朝餐午餉共相攜。

殘菊

花影嬋妍媚竹籬。籬邊尋句倚筇枝。伶俜今日同
君瘦。隱逸由來與我宜。霜似無情消潤色。風如有
意弄幽姿。傲然不受春恩澤。一種秋芳獨自持。

冬杪

鼎頭颯颯送松聲。汲取溪流手自烹。未免世緣毛
髮變。纔知靜味利名輕。牛邊野澗殘陽在。鳥外山
低初月生。寂寞村居逼冬杪。梅花香裏夢魂清。

除夜

閉戶從來厭問尋。門庭已見薜苔侵。寒狐吹火風

搖影。飢鳥歸巢雪墜音。半世忘機無俗慮。多年治
產有恒心。歲凶唯悼鄰閭急。縣吏催錢到夜深。

乙未夏日遊長巖城跡

危崖壁立四相圍。訪古行行到翠微。風冷於秋忘
夏日。雲先于雨濕人衣。玉蘭香處靈魂泣。石穀生
邊天狗飛。千載恩讎總無跡。空山寂寂暮禽歸。

讀劍南集

支枕幽齋點滴聲。曾遊一夢不堪情。雨中春老名
花落。愁處秋來古劍鳴。少壯年過在尚在。和親策

拙憤難晴。東風吹斷思京洛。草向永昌陵上生。

登彥山

天半孤峰危欲頽。樓臺鬱鬱倚崔嵬。香煙曉伴過
雲去。亂雨暮含輕雪來。海色雙眸千里濶。地形一
百九州開。他山繞麓皆雌伏。脚底唯成蟻垤堆。

寶珠山

路從巖角曲。境與世間分。燕尾溪如帶。犬牙峰吐
雲。半空松影聳深洞。水聲聞笠重。林花落徑微。蘿
蔓紛攀躋。憐倦手。佇立息勞筋。老樹竒禽立。幽龕

異草薰。寶珠藏石屋。古佛帶苔紋。忽再山光變。湏

臆嵐氣芬。板扉留姓字。竹檻錄詩文。樽酒闕何處。

林根斜日曛。

君逸與五岳遊。鶴裴起於王維。風趣自然相與。

松尾良

字子篤。攝津兵庫人。

題畫

竹裏人家少。柳陰漁家多。雙鳧將決起。水面覺微

波。

妙在覺字。

網洲

岸柳參差立。水成之字流。夜來一犁雨。漂去渡頭

舟。

藤田歲

字好永，號旭灣，攝津兵庫人。

喜雨


昨夜蕭蕭雨。飽聞簷滴聲。今朝隣叟至。先報龍孫生。

泊舟

小艇泊蘆花。蕭然聞雨聲。夜深捲篷望。山月照湖明。

宜園百家詩卷之六

| |
|-----|
| 127 |
| 8. |
| 114 |



127
68
114

皇國百歌詩初編

五、六